



江蘇省地方志編纂委員會辦公室編

江蘇歷代方志全書

77



江蘇省地方志編纂委員會辦公室 編



鳳凰出版社

江蘇歷代方志全書

77

蘇州府部



圖書在版編目（CIP）數據

江蘇歷代方志全書. 蘇州府部 / 江蘇省地方志編纂
委員會辦公室編. — 南京：鳳凰出版社，2016. 7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295. 3

中國版本圖書館CIP數據核字(2016)第131080號

書名	江蘇歷代方志全書·蘇州府部
編者	江蘇省地方志編纂委員會辦公室
責任編輯	王劍 王愛榮 吳瓊 顧娟 崔廣洲
裝幀設計	姜嵩
出版發行	鳳凰出版傳媒股份有限公司 鳳凰出版社(原江蘇古籍出版社) 發行部電話025-83223462
出版社地址	南京市中央路165號, 郵編:210009
出版社網址	http://www.fhcbbs.com
印刷	揚州文津閣古籍印務有限公司 揚州市開發區鴻揚路22-2號(6幢), 郵編:211153
開本	889×1194毫米 1/16
印張	3253. 25
版次	2016年7月第1版 2016年7月第1次印刷
標準書號	ISBN 978-7-5506-2317-0
定價	79200. 00圓(全九十九冊)

(本書凡印裝錯誤可向承印廠調換, 電話:0514-87969255)

民國重修常昭合志(六)



張鏡寰 纂修
丁祖蔭 纂修
徐兆瑋 等 續纂修

第七十七冊目錄

民國重修常昭合志（六）

.....

〇〇一

人物志 丙

元

褚不華字君實世居邑之福山自幼沈默有器局篤好經史以名節自矢母病嘗刲股以療至治元年游學隰州之石樓居五戴因附其籍以薦補中瑞司譯史授海道副千戶轉嘉興路治中歷御史僉河西廉訪事移淮東未幾改副使紅巾賊蔓延兩淮勢張甚不華行部至淮安極力爲守禦計賊至多所斬獲且請判官劉甲守韓信城相犄角復上章劾總兵逗撓狀朝廷嘉其功擢廉訪使總兵恚之乃檄甲別將兵擊賊以困不華賊陷韓信城遂掘塹圍淮安旣復挾天長青等叛軍來攻時城三面皆賊惟北門通沭陽倚其芻餉而赤鯉湖又

爲賊據進柵南瑣橋不華出大西門會僉事兵突賊柵殊死戰賊敗走會元帥吳德琇運糧萬斛爲賊所掠城中食且盡攻圍益急總兵屯下邳遣使十九輩告急皆不應餓者仆道上人爭取啖甚至父子夫婦老稚更相食力盡城陷猶據西門力鬪中傷見執賊齎之至正十六年十月乙丑也不華守淮安五年大小數十百戰精忠大節人比之張巡云事聞贈翰林學士承旨榮祿大夫柱國里人建廟於福山歿之明年追封衛國公諡忠肅元史其長子鳴珂元亡不仕次子伴哥少承父教通天官遁甲諸家兵法既長武藝絕倫隨父守淮安以沭陽路絕芻餉不繼建議海運分設船艘購糧於平江嘉興由劉家河福山港出口達淮三四年間兵賴以濟後僞周起海上糧不能達

與父力守孤城城陷父爲賊所執伴歌冒刃護奪同日見殺年三十
六英靈不沫時顯神於濱海里人建緒太尉廟祀焉清康熙中父子

並列祀鄉賢

言志

曹珪字德璋南金孫父文華早卒珪生而穎異襲大父蔭授忠翊校尉
平江海運香糯所千戶佩金符在官二十年航餉八上屢著勞績至
正中以漕事如京遇寇北通州不屈死藁葬州北水涵寺前子三元
立亨孫遷珪弟埜累遷從仕郎宣政院崇教所知事

黃潛曹南金墓志朱珪名蹟錄

千戶曹君墳志

邱子淵宋光祿大夫岳之後居東始莊元末張士誠寇常熟游兵肆掠
入其宅子淵大罵不屈被害女端一適花林齊億投長橋下急流中

重刊

卷二十一

二二二二二

死

志

明

鄧良璧字彥章

舊志俱稱其字茲據陳瓊撰傳

號朝用父太五元時爲縣尉洪武中良

璧以賢良方正薦授監察御史爲人博學有文清介好直言洪武季

年好誅戮大臣中外文武重足立良璧慷慨言於上上爲動容稍從

寬政上數爲微行良璧叩頭出血諫請無輕出言甚切直上遂止然

意頗不懌明日召入賜以酒遂死以衣冠歸葬後廕一子入國學列

祀鄉賢忠孝祠子暄字春亭入太醫院有名

陳瓊撰傳
志參濟美堂集

陳治字叔達濟弟好古力學洪武中以善書徵授兵科給事中父貞歿

於五開間關冒險負骨歸葬建文朝以薦起文選郎中永樂初擢大

理卿安南兵起命赴廣西贊軍務主饋餉事平轉吏部左侍郎七年復參張輔軍討簡定平之九年復與輔往討陳季擴居五年進兵部尙書留贊李彬軍事仁宗召黃福還以治掌布按二司會中官馬騏貪暴反者四起治上疏言之帝命成山侯王通往討治贊其軍進師應平次寧橋治言地險惡恐有伏不宜輕進通不聽麾兵徑渡陷泥淖中伏發官兵大敗治躍馬入賊陣創甚墮焉左右欲扶還治張目叱曰吾爲大臣食祿四十年義不苟生遂自刎死事聞贈少保諡節愍子二長樞以廕授刑科給事中次機永樂中舉秀才授沛縣教諭因父陣亡遂不仕築鳳邨竹舍絃誦其中以理學化鄉里卒年七十八門人私謚明惠先生治從兄浚字伯厚洪武初以詹同薦授刑部

重修常州府志

卷二十一

一百一十三

主事疏陳刑部諸弊十餘條帝善之卒年七十三楊榮誌其墓

明史
參雙

鳳里
志

程式字以則號可菴母夢梵王授記而生登第授南京職方主事夙夜
自勵飭部務陳邊害以邊軍苦寒特疏請皮襖又條上兵政十策轉
北京刑部員外郎讞獄明允正統己巳也先入寇太監王振議親征
式抗疏諫復與諸臣連章上請語涉振遂詔從行八月至大同前軍
報敗式泣諫不可往振怒謂搖動軍心將加不測令掠陣既駐狼山
土木驛師大潰倉卒間失英宗所在式裹瘡號泣遇同官太常卿王
一居御史尹竑夏誠行人羅如墉等嚙血誓曰吾輩奉駕出不奉駕
歸而偷生竄伏者有如此盟隨諜知駕陷虜冒死赴行在侍左右尺

寸不離虜踞前嫚語要英宗如其禮式忠憤慷慨力持英宗不爲動
虜麾刃斷所持御服式指節鬱落更伏駕前席地爲障虜刃橫砍式
張目奮罵虜衆前磔一時隨侍者無子遺式兩股墮地虜大噪擁英
宗去初式之將行夢人曳偏裳倉皇入室示以土獸俄折兩足踣道
左竟爲土木截股之兆云式容止端凝和粹對人恂恂遇事輒震奮
敢先工詩古文語及古忠義節烈每託賦詠其弔顏杲卿有罵賊一
場明大義殺身千古不圖名之句居官簡約嘗擬趙清獻之爲人以
琴鶴名兩奴旣被難琴奴伏積屍下得不死訴式被難狀以衣冠歸
葬景泰四年錄死事諸臣以原官受階奉訓大夫蔭子嵩爲國子生
撫按請立專祠列祀鄉賢所著有葩經衍義

明史參李傑傳顧仲恭集

嵩字希仁

仕至延平府同知玄孫大經字可權以舉人授樂昌知縣地險而介於遙且錯以宗藩宦游者往往爲貨賄所餌大經矢志砥節無所縉染私椒利甚鉅廣人每假藩府行賄以冒禁大經持禁益力刑獄多所平反俗工釀毒恆自毒以誣富人大經每爲洗白升敘州通判卒

鍾志參殿
文靖志墓

蔣欽字子修綺子也弘治九年進士授衛輝推官擢南京御史數有論奏正德元年劉瑾逐大學士劉健謝遷欽偕同官切諫瑾大怒逮下詔獄廷杖爲民居三日欽獨具疏曰劉瑾小豎耳陛下親以腹心倚以耳目待以股肱殊不知瑾悖逆之徒蠹國之賊也忿臣等奏留二輔抑諸權奸矯旨逮問予杖削職然臣思畎畝猶不忘君况待命衽

席目擊時弊烏忍不言昨瑾要素天下三司官賄人千金甚有至五千金者不與則貶斥與之則遷擢通國皆寒心而陛下獨用之于左右是不知左右有賊而以賊爲腹心也給事中劉蒞指陛下闇於用人昏於行事而瑾削其秩撻辱之矯旨禁諸言官無得妄生議論不言則失於坐視言之則虐以非法通國皆寒心而陛下獨用之於前後是不知前後有賊而以賊爲耳目股肱也一賊弄權萬民失望愁歎之聲動徹天地陛下顧懵然不聞縱之使壞天下事亂祖宗法陛下尙何以自立乎幸聽臣言急誅瑾以謝天下然後殺臣以謝瑾使朝廷一正萬邪不能入君心一正萬欲不能侵臣之願也今日之國家乃祖宗之國家也陛下苟重祖宗國家則聽臣所奏如其輕之則

任瑾所欺疏入再杖三十繫獄越三日復具疏曰臣與賊瑾勢不兩立賊瑾蓄惡已非一朝乘間起釁乃其本志陛下日與嬉遊茫不知悟內外臣庶凜如冰淵臣昨再疏受杖血肉淋漓伏枕獄中終難自默願借上方劍斬之朱雲何人臣肯少讓陛下試將臣較瑾瑾忠乎臣忠乎忠與不忠天下皆知之陛下亦洞然知之何仇於臣而信任此逆賊耶臣骨肉都銷涕泗交作七十二歲老父不顧養矣臣死何足惜但陛下覆國喪家之禍起於旦夕是大可惜也陛下誠殺瑾梟之午門使天下知臣欽有敢諫之直陛下有誅賊之明陛下不殺此賊當先殺臣使臣得與龍逢比干同遊地下臣誠不願與此賊並生疏入復杖三十方欽屬草時燈下微聞鬼聲欽念此殆先人之靈欲

寢吾所奏耳因整衣冠立曰果先人盍厲聲以告言未已聲出壁間益悽愴欽歎曰業已委身義不得顧私使緘默負國爲先人羞不孝孰甚復坐奮筆曰死卽死此稿不可易也聲遂止杖後三日卒於獄年四十九瑾誅贈光祿少卿嘉靖中賜祭葬錄一子入監明史明末追諡忠烈列祀鄉賢子浣字潔甫以廕授仙居丞浣曾孫凌雲字仲賢爲人魁梧磊落念高祖欽墓久沒荆榛請於當道表章墓域蔣氏世譜唐天恩字堯仁曾祖敏字志學文辭典贍以鄉舉歷任浮梁寧津棲霞汶上四縣教諭分校江西河南鄉試所著有詩經鈎旨博古要覽寒碧歸田二稿祖元舉山東鄉試父政字文瑞著有鳴皋集天恩由舉人授葉縣知縣正德六年盜起河朔天恩修城塹繕器械流賊趙璲

三

卷一百一十一

二百一十一

徐彥明等哨馬千餘臨城天恩率兵奮戰擒賊數十人賊引去是歲
十月劇盜劉七率黨抵城下攻圍甚急天恩嬰城固守二十餘日外
無強援城遂陷賊執天恩與其父懸於縣庭叢射殺之庶母任及二
妹皆遇害妻錢子詩臥亂屍下得脫詩收祖父屍歸里事聞贈光祿
少卿賜祭葬廕一子入監仍賜子孫爲儒籍後巡按御史華珩請建
專祠有司春秋致祭明史參舊志曾孫一麟字少峯母患痰疾幾殆一麟
時焚香請代一夕大笑數聲而卒卒三日而母病竟愈裔孫學聖以
孝友聞鄒泉器重之錢志

錢泮字鳴教

明史作鳴聲

號雲江五世祖德字本忠通敏有心計以力穡起

家高祖衡字叔平永樂初以賢良薦累遷吏部稽勳主事小心周密